



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Saxonia || Et || Metropolis || Alberti Crantzii || Historici  
Doctiss. Sacrae || Theologiae & Iuris Canonici Doctoris ||  
celeberrimi, ac Ecclesiae Ham-||burgensis quondam  
Decani**

**Krantz, Albert**

**Coloniae, 1574**

Capvt X.

**urn:nbn:de:hbz:466:1-11453**

**A**lbertus dux superioris Saxonie, dictus de Witt-  
tenberge, princeps elector, sine suo & legitimo  
herede diem suum obiit, & de successione iam quaere-  
batur. Ericus dux inferioris Saxonie, longolice inter-  
uallo fratruelis eius nepos, legitimam successionem ad se  
pertinere non ambigens, titulum Saxonie, quem semper  
habuit, adauxit: ut dominum de Witttenberge & prin-  
cipem electorem se scriberet, & gereret. Nam & Karo-  
lus nouissimus eius nominis Imperator, Sigismundi pa-  
ter, quod suo loco diximus, inter ambos Saxonie duces  
ordinabat, ut alternis vicibus ad electionem vocarentur.  
Aliquoties etiam Erici patre Erico ad electionem per-  
ueniente, ut iusta dignitatis possessionem praeseferebat.  
Sed praeualere apud Imperatorem tum alij. Nam ille  
Misnensi affectus marchioni propinquo suo, qui illi in  
Bohemia praestitisset obsequia plurima, contulit ducatum,  
praeteritis cum quadam contumelia legitimis suc-  
cessoribus: Viuebant enim Ericus, Bernhardus, Alber-  
tus fratres, Saxonie duces. Siue ergo per negligentiam  
non petendi beneficij, siue ob aliam causam, certum  
est, tunc illos esse praeteritos: quod hodie quoque  
queruntur: Nec tamen obliuiscuntur iuris sui, reno-  
uantes protestationibus & diligentijs possibilibus, ne  
longi temporis tractus prauidicium illis inuehat lon-  
gae praescriptionis. Erat autem, cum Albertus ille more-  
retur, vicesimus tertius annus post mille quadringentos.  
Quo tempore Fridericus Brandenburgensis marchio,  
qui ditionem suam in Bauaria, quod diximus, amplifi-  
cavit: cum etiam Iohannem ducem Stargardia capti-  
uum teneret in Perleberge oppido Prignissa, ad placita  
conuenta cum Alberto duce Magnopolensi venerat.

Cúmque



Cumque multorum qui aderant consilijs, non ad pacem tenderetur, quod nonnullis belli tempora commodiora viderentur, ipsi principes, dimisso omnium suorum consilio, soli rem contrectabant: conuenitque inter eos, vt captiui inuicem permutarentur. Omnes in commune laxati. Ducem autem Iohannem non leuibus de causis tum seruauit marchio. Reddidit autem Alberto duci captas illius ditionis, arces Gorloze, atque Domze, vt illius iniret familiaritatem: & vt sincera perduraret affectio, filiam suam paruulam Dorotheam Alberto despondit uxorem: sed non est peruentum ad nuptias, moriente Alberto: vt in Scandalia. Quo etiam tempore gelu fuit per brumam incomparabile & inauditum, quod equites à Gedano Prusie in Lubicam per viam nauigantium transfrent incolumes. Ferunt & à Magnopoli in Daniam glacie tum stratam stetisse mare. Tum etiam ferunt indoluisse Prignissa militares, quod non ad eternam nominis memoriam, equites mare transeuntes, pecora in ad abegerint: id non tam preda causa, quam memorabilis ad posteros facinoris. Ita student inclarescere sceleribus, qui non possunt eminere gloriosis facinoribus.

## CAPVT XI.

**V**ilhelmus dux Luneburgensis, coniugem accepit filiam Friderici marchionis de Brandenburgo. Nuptia magnifico apparatu peracta sunt in Luneburgo: Alteram vero eius filiam Henricus, quod diximus, dux Magnopolensis, tum minor minorem non ducens, postea legitimis annis accepit: Cuius nuptia in Tangermunde, ad presentiam magni principum conuentus, sunt peracta. Quo tempore Iohannes episcopus Hildesemensis, iam laborum pertasus, cum aetate ingrauesceret, comes ipse de Hoia natus, episcopatum suum in manus summi

D d d s pontifi-